

景明刻本紀錄彙編

四七

卷之四 記遊集

紀錄彙編卷之一百四十四

今言序

文獻不足杞宋無徵方策尚存文武未墜蓋通今學
古非兩事也洛陽少年通達國體嘗曰不習爲吏視
已成事予有取焉述今言三百四十四條藏之故篋
中項甥子長進士錄而觀之曰周官師典常漢史述
故事蓋與古言並梓之予不能止也

嘉靖丙寅二月旣望鄭曉識

集部丙寅二月朔望禮部

趙事蓋與古言並執之乎不非也

中更幾千是載士經而購之四國官相典常與本

日知事于休班無救今言三百四十四初篇之始

古非兩事也茲則少手嚴重因難動日不自以史

天廣不以休宋無婚大策河林文友未測焉而全

今言京

孫松集錄卷之一百四十四

紀錄彙編卷之一百四十四

今言卷之一

鄭曉

卷之一

高皇戊辰生生二十五年入淮西從郭元帥三年起
兵渡江明年定建康爲吳國公八年爲吳王四年爲
皇帝是年滅胡享國有三十有一年建文君洪武
丁巳生生六年而其兄虞懷王卒又十年而其父懿
文太子卒當是時高皇年六十有五矣遂立爲太
孫七年而嗣帝位四年而亡成祖生九年而太

祖建國太明又二年封燕王十年之國北平十九年而靖難三年卽帝位享國二十有三年 仁宗洪武戊午生年十八封燕世子又四年有靖難之師又三年 文皇卽位卽位三年立爲太子二十年而卽位逾年崩 宣宗生四年而 成祖入南京又九年而爲 太孫又十三年爲太子逾年卽位享國十有一年英宗宣德丁未生明年立爲 太子又七年卽位十四年而北狩明年還京師居南宮蓋七年而復辟先後享國二十有三年 景皇少 英宗一歲八歲而封郕王二十二歲而居守監國遂卽帝位八年二

月崩寔天順元年也 憲宗生 年而有土木之變
立爲 太子又三年廢爲沂王又五年復立爲 太
子八年而卽位享國二十有四年 孝宗成化庚寅
生於西宮越六年而 憲宗始知之遂立爲 太子
十二年而卽位享國十有九年 武宗弘治辛亥生
明年立爲 太子十三年而卽位享國十有七年
今皇帝生興邸正德丁卯仲秋也入承大統時視
帝堯自唐侯起爲天子少一歲

二

太祖戊申正月乙亥卽 皇帝位詔改是年爲洪武

元年三十一年閏五月乙酉崩於西宮 成祖建文

四年六月己巳卽位詔改明年爲永樂元年革除建

文年號仍稱洪武以故洪武有三十五年永樂二十

二年七月庚寅崩於榆木川 仁宗是年八月丁巳

卽位詔改明年爲洪熙元年元年五月崩於欽安殿

宣宗是年六月庚戌卽位詔改明年爲宣德元年

十年正月崩於乾清宮 英宗是年正月癸未卽位

詔改明年爲正統元年十四年八月社胡至土木北

狩 景皇時以皇弟封郕王留京師奉 孝恭章皇

后命監國九月丙子卽位詔改明年爲景泰元年元

年八月 英宗還居南宮景泰八年正月壬午 英宗復辟詔改是年爲天順元年二月景皇崩於西宮天順八年正月 英宗崩於乾清宮 憲宗是年正月甲戌卽位詔改明年爲成化元年二十三年九月崩於乾清宮 孝宗是年九月壬寅卽位詔改明年爲弘治元年十八年五月崩於乾清宮 武宗是年五月壬寅卽位詔改明年爲正德元年十六年三月崩於豹房無後四月癸卯 今皇帝入繼大統詔改明年爲嘉靖元年

太祖高皇帝 孝慈高皇后馬氏葬孝陵 成祖文

皇帝 仁孝文皇后徐氏葬長陵 仁宗昭皇帝

孝誠昭皇后張氏葬獻陵 宣宗章皇帝 孝恭章

皇后孫氏葬景陵 英宗睿皇帝 孝莊睿皇后錢

氏葬裕陵 恭仁康定景皇帝 景皇后汪氏葬西

山 憲宗純皇帝 孝貞純皇后王氏葬茂陵 孝

宗敬皇帝 孝康敬皇后張氏葬泰陵 武宗毅皇

帝 孝靜毅皇后夏氏葬康陵 英宗側室 孝肅

皇后周氏 憲宗生母也漢文帝詔自稱朕本高皇

帝側室之子云 憲宗側室 孝穆皇后紀氏 孝

宗生母也 孝惠皇后邵氏 獻皇帝生母也祔葬

二帝陵先是 孝肅稱太皇太后 孝穆 孝惠

皆稱皇太后 不祔 廟亦不入 奉先殿別立奉

慈殿祀之 今皇帝以太皇太后皆生時尊稱改稱

皇后而不書各帝諡以別之神位移陵殿中 睿宗

獻皇帝 慈孝獻皇后蔣氏葬顯陵 太祖長子

懿文皇太子懿敬皇太子妃常氏葬孝陵左建文君

卽位追尊爲興宗孝康皇帝孝康皇后靖難後仍稱

故諡號 懷獻太子 景皇長子 悼恭太子茂陵

長子 哀冲太子 莊敬太子皆 今皇帝子

四

孝陵初謚 高皇帝廟號 太祖永樂元年六月加謚聖神 文武欽明啓運俊德成功統天大孝高皇帝廟號如故後一百三十六年嘉靖十七年也加上尊謚曰 開天行道肇紀立極大聖至神仁文義武俊德成功高皇帝廟號如故長陵初謚 體天知道高明廣運聖武神功純仁至孝文皇帝廟號 太宗嘉靖十七年加上謚號曰 成祖啓天弘道高明肇運聖武神功純仁至孝文皇帝

五

洪武元年立東宮二十五年四月卒是年九月立
皇太孫永樂二年四月立東宮是爲仁宗仁宗永
樂甲辰八月卽位十月立東宮是爲宣宗宣德三
年二月立東宮是爲英宗英宗正統十四年北狩
以皇太后詔立東宮景泰三年五月廢爲沂王立
其子見濟爲太子四年見濟卒英宗復辟之年三
月復立沂王爲太子是爲憲宗憲宗成化七年十
一月立悼恭太子是年卒十一年十一月立東宮是
爲孝宗弘治五年三月立東宮是爲武宗今
上十三年八月立哀冲太子是年十一月卒十八年

二月立莊敬太子二十八年四月卒

六

孝陵仁孝通於天地不肯冒附名族直以所知 德
祖爲始祖德祖生 懿祖懿祖生 熙祖熙祖生
仁祖仁祖生四子南昌王旻昭王臨淮王 太祖其
第四子也南昌二子長文正文正生靖江王守謙次
山陽王旻昭生招信王 仁祖有一弟壽春王壽春
四子霍丘王下蔡王安豐王蒙城王霍丘一子寶應
王安豐四子六安王來安王都梁王英山王諸王俱
無後惟靖江王分國桂林府禮數如親王

七

高皇二十六子懿文太子秦愍王晉恭王成祖周

定王楚昭王齊庶人潭王趙王魯荒王蜀獻王湘獻

王代簡王肅莊王遼簡王慶靖王寧獻王岷莊王谷

庶人韓憲王潘簡王安惠王唐定王郢靖王伊厲王

皇子楠成祖四子仁宗漢庶人趙簡王四皇子

仁宗十子宣宗鄭靖王蘄獻王越靖王襄憲王

荆憲王淮靖王滕懷王梁莊王衛恭王宣宗二

子英宗景皇英宗十子憲宗榮王三皇子

許悼王德莊王秀懷王崇簡王忻穆王吉簡王徽莊

王 景王一子懷獻太子 憲宗十三子悼恭太子

孝宗 獻皇岐惠王益 王衡恭王雍靖王壽

王八皇子汝 王涇簡王榮莊王申懿王 孝宗二

子 武宗蔚悼王 獻皇二子岳懷王 今皇帝今

皇帝 子哀冲太子莊敬太子裕王景王頴殤王薊

哀王戚懷王均思王

八

熙祖祖陵在泗州基運山奉祀朱氏宗人婿也 德

祖 懿祖就祖陵而望祭焉 仁祖英陵改皇陵在

中都翊聖山奉祀二人劉氏汪氏祀丞二人汪氏趙

氏劉卽義惠侯孫二汪皆汪氏老母孫 太祖孝陵
在南京神烈山 成祖至 武宗諸陵在昌平天壽
山睿宗顯陵在承天純德山都督蔣華奉祀華慈孝
睿后家也天壽山卽黃土山 成祖所賜名四山嘉
靖中賜名

九

太祖寔錄三脩建文君卽位初脩王景充總裁靖難
後再脩總裁解縉縉得罪後三脩總裁楊士奇初脩
再脩時士奇亦秉筆

十